



ԵՐԵՎԱՆԻ ՔԱՂԱՔԱՊԵՏԱՐԱՆ

ՈՐՈՇՈՒՄ N° ՈԲ - 001

«ՎԱՐՉԱԿԱՆ ՏՈՒՅԺ ՆՇԱՆԱԿԵԼՈՒ ՄԱՍԻՆ»

ք. Երևան

«20» Հուլիսի 2023թ.

1. Վարչական իրավախախտման վերաբերյալ գործի նկարագրությունը.

Երևան քաղաքի Կենտրոն վարչական շրջանի ղեկավարի աշխատակազմի աշխատակից Ա. Մելիքյանի կողմից 15.06.2023 թվականին հայտնաբերվել է Վարչական իրավախախտումների վերաբերյալ օրենսգրքի (այսուհետ՝ Օրենսգիրք) 162-րդ հոդվածի 1-ին մասով նախատեսված վարչական իրավախախտում, մասնավորապես՝ անհատ ձեռնարկատեր Քնարիկ Լևոնի Սահակյանի կողմից Երևան քաղաքի Պարոնյան փողոցի թիվ 6/42 հասցեում գործող մթերային խանութի դիմաց՝ ոչ սահմանված տեղում, իրականացվել է գյուղատնտեսական մթերքի առևտուր, որի վերաբերյալ 15.06.2023 թվականին կազմվել է թիվ ԲԱ-000146 վարչական իրավախախտման վերաբերյալ արձանագրությունը (այսուհետ՝ Արձանագրություն):

Արձանագրության կազմման ժամանակ ղեկավարվելով Վարչական իրավախախտումների վերաբերյալ օրենսգրքի 162-րդ, 310-րդ, «Երևան քաղաքում տեղական ինքնակառավարման մասին» օրենքի 60-րդ, հոդվածներով, ինչպես նաև Երևանի քաղաքապետի 11.08.2022 թվականի թիվ 2972-Ա և 26.05.2023 թվականի 1227-Ա որոշումներով կատարվել է առգրավում: Մասնավորապես՝ առգրավվել են 1 արկղ տաքդեղ (պղպեղ)՝ 8 կգ, 2 արկղ ծիրան՝ 20 կգ, 3 արկղ վարունգ 22 կգ և 1 արկղ կեռաս 5 կգ:

Քննարկվող առգրավման գործընթացը տեսանկարահանվել և լուսանկարահանվել է համապատասխան գործողությունն իրականացնող աշխատակիցների կողմից:

Հայտնաբերված իրավախախտման փաստով Երևանի քաղաքապետարանի նախաձեռնությամբ հարուցվել է վարչական վարույթ: Հարուցված վարչական վարույթի շրջանակներում գործի քննությունը նշանակվել է 20.07.2023 թվականին:

2. Գործի լուծման համար էական նշանակություն ունեցող ապացույցները.

Վարչական վարույթի նյութերում առկա են և որպես մեկ համակցություն, հետազոտվել են՝

1. Արձանագրությունը,
2. 15.06.2023 թվականին կազմված թիվ ԲԱ-000146 արձանագրությամբ առգրավվող վարչական իրավախախտում կատարելու գործիք կամ անմիջական օբյեկտ հանդիսացող առարկայի թիվ Ն-000146 նույնականացման թերթիկը,
3. անհատ ձեռնարկատիրոջ պետական գրանցման վերաբերյալ քաղվածքը,
4. 15.06.2023 թվականին Արտեմ Մելիքյանի կողմից կազմված բացատրագիրը,
5. թիվ 09516195 ֆիսկալ համարով ՀԴՄ կտրոնը,

6. վարչական իրավախախտման դեպքի հայտնաբերման պահին կատարված լուսանկարները,

7. վարչական իրավախախտման դեպքի հայտնաբերման պահին կատարված տեսագրությունը,

8. արձանագրության օրինակն անհատ ձեռնարկատեր Քնարիկ Լևոնի Սահակյանին առաքելու փաստը հավաստող թիվ LO110061879AM փոստային անդորրագիրը,

9. արձանագրությունը գործը քննող ստորաբաժանմանը փոխանցելու փաստը հիմնավորող գրությունը,

10. անհատ ձեռնարկատեր Քնարիկ Լևոնի Սահակյանին ուղղված ծանուցագրերը,

11. անհատ ձեռնարկատեր Քնարիկ Լևոնի Սահակյանին ուղղված ծանուցագրերի առաքման փաստը հավաստող՝ թիվ LO110223308AM և թիվ LO110223310AM փոստային անդորրագրերը,

12. «Հայփոստ» ՓԲ ընկերության հանձնման-ստացման թիվ ALO110223308AM անդորրագիրը,

13. 20.06.2023 թվականի Վ-24/2 վարչական ակտի պատճենը,

14. 20.06.2023 թվականի Վ-24/2 վարչական ակտի 15.07.2023 թվականին ուժի մեջ մտած լինելու փաստը հավաստող ապացույցը:

3. Գործի քննության ընթացքում պարզման ենթակա հանգամանքը.

(ա) վարչական իրավախախտում կատարված լինելու փաստը, (բ) անձի մեղավորությունը վարչական իրավախախտման կատարման մեջ, (գ) անձի՝ վարչական պատասխանատվության ենթակա լինելը, (դ) պատասխանատվությունը մեղմացնող կամ ծանրացնող հանգամանքների առկայությունը, (ե) վարչական իրավախախտման հետևանքով գույքային վնաս պատճառված լինելը, (զ) գործի ճիշտ լուծման համար նշանակություն ունեցող այլ հանգամանքներ:

3.1 Վարչական իրավախախտում կատարված լինելու փաստը. «Առևտրի և ծառայությունների մասին» օրենքի 2-րդ հոդվածի համաձայն՝ առևտրի իրականացման վայրը՝ առևտրի իրականացման վայրի կազմակերպչի կողմից որպես մեկ ամբողջություն տիրապետվող և կառավարվող՝ առանձնացված, կառուցապատված և կահավորված, երկու և ավելի վաճառատեղ ունեցող տարածք է, որտեղ կարող են նախատեսվել նաև հանրային սննդի և այլ ծառայությունների համար տարածքներ:

Նույն օրենքի 3-րդ հոդվածի համաձայն՝ առևտրի օբյեկտների տեսակներն են՝ խանութները, կրպակները, հեղուկ վառելիքի, սեղմված բնական կամ հեղուկացված նավթային կամ ածխաջրածնային գազերի մանրածախ առևտրի կետերը:

Առևտրի իրականացման վայրի տեսակներն են՝ առևտրի կենտրոնները, սպառողական ապրանքների շուկաները, գյուղատնտեսական արտադրանքի շուկաները, ավտոտրանսպորտային միջոցների շուկաները, կենդանիների շուկաները, տոնավաճառները (վերնիսաժները) և ցուցահանդես-վաճառքի անցկացման վայրերը:

Վարչական իրավախախտումների վերաբերյալ օրենսգրքի 162-րդ հոդվածի 1-ին մասին համաձայն՝ ոչ սահմանված տեղերում կամ օրենսդրությամբ սահմանված պահանջների խախտմամբ առևտուր իրականացնելը կամ ծառայություն մատուցելը՝ առաջացնում է տուգանքի նշանակում՝ սահմանված նվազագույն աշխատավարձի յոթանասունապատիկից մինչև հարյուրապատիկի չափով՝ առևտրի կամ ծառայությունների մատուցման ընթացքում օգտագործվող և իրավախախտում կատարած անձին կամ երրորդ անձին սեփականության իրավունքով պատկանող առարկաների բռնագրավմամբ կամ առանց դրա:

Վերագրյալ իրավանորմերի համակարգային վերլուծությունից բխում է, որ առևտրային գործունեությունը պետք է կազմակերպվի առևտրի օբյեկտի տարածքում, իսկ այն դեպքում, երբ

համապատասխան գործունեությունը դրսևորվում է սահմանված տարածքից դուրս, ապա առկա է Վարչական իրավախախտումների վերաբերյալ օրենսգրքի 162-րդ հոդվածի 1-ին մասով նախատեսված զանցանքի օբյեկտիվ կողմից դրևորումը:

Օբյեկտիվ կողմից առկայության փաստը հաստատվում է վարույթի նյութերում առկա տեսագրության, լուսանկարների, արձանագրության, նույնականացման թերթիկի, բացատրագրի համակարգային ուսումնասիրմամբ, ինչպես նաև առերևույթ առգրավված ապրանքի առկայությամբ, քանզի եթե չլիներ իրավախախտման դեպք չէր կարող առգրավվել ոչ սահմանված վայրում իրացվող ապրանքը:

3.2 անձի մեղավորությունը վարչական իրավախախտման կատարման մեջ, Ոչ սահմանված վայրում իրացվող ապրանքը գտնվել է Երևան քաղաքի Պարոնյան փողոցի թիվ 6/42 հասցեում գործող մթերային խանութի դիմաց, իսկ Երևան քաղաքի Պարոնյան փողոցի թիվ 6/42 հասցեում գործող խանութ սրահում առևտրային գործունեություն է իրականացվում Քնարիկ Լևոնի Սահակյանի կողմից, բացի այդ թիվ 09516195 ֆիսկալ համարով ՀԴՄ կտրոնի համաձայն՝ 15.06.2023 թվականին ժամը 12:13-ին Երևան քաղաքի Պարոնյան փողոցի թիվ 6/42 հասցեում գործող մթերային խանութի դիմաց իրականացվել է ապրանքի իրացում, այսինքն ոչ սահմանված վայրում իրացնելով ապրանք վերջինիս կողմից տրամադրվել է տարածքում առկա խանութ սրահում գործունեություն իրականացնելու համար նախատեսված ՀԴՄ կտրոն: Բացի Այդ ապրանքների իրացումը Քնարիկ Լևոնի Սահակյանի կողմից իրացված լինելու մասին են վկայում արձանագրությունը, նույնականացման թերթիկը, բացատրագիրը, լուսանկարները, տեսագրությունը, ինչպես նաև առերևույթ առգրավված ապրանքի առկայությունը, քանի որ եթե չլիներ իրավախախտման դեպք չէր կարող առգրավվել ոչ սահմանված վայրում իրացվող ապրանքը:

Նման պայմաններում վերոգրյալ ապացույցների մեկ համադրության մեջ ուսումնասիրության արդյունքում փաստվում է Քնարիկ Լևոնի Սահակյանի մեղքը վերջինիս մեղսագրվող արարքում:

3.3 անձի՝ վարչական պատասխանատվության ենթակա լինելը, Քնարիկ Լևոնի Սահակյանը՝ ծնված 26.12.1989 թվականին հանդիսանում է 16 տարին լրացած անձ, որպիսի պայմաններում վերջինս կարող է ենթարկվել վարչական պատասխանատվության, իսկ քննարկվող դեպքում առկա չեն Օրենսգրքով սահմանված վարչական պատասխանատվությունը բացառող հանգամանքները:

3.4 պատասխանատվությունը մեղմացնող կամ ծանրացնող հանգամանքների առկայությունը. Քննարկվող դեպքում առկա չեն Օրենսգրքի 33-րդ հոդվածով նախատեսված վարչական իրավախախտման համար պատասխանատվությունը մեղմացնող հանգամանքներ:

Առկա են Օրենսգրքի 34-րդ հոդվածի 1-ին մասի 1-ին և 2-րդ կետերով նախատեսված վարչական պատասխանատվությունը ծանրացնող փաստական հանգամանքները, մասնավորապես՝ Քնարիկ Լևոնի Սահակյանը շարունակել է հակաիրավական վարքագիծը, չնայած այն դադարեցնելու մասին դրա համար լիազորված անձանց պահանջին, ինչպես նաև վերջինիս կողմից մեկ տարվա ընթացքում կրկին անգամ նման իրավախախտում է կատարվել, որի համար Քնարիկ Լևոնի Սահակյանը ենթարկվել է վարչական պատասխանատվության:

Տվյալ դեպքում, 20.06.2023 թվականին կայացած թիվ Վ-24/2 վարչական ակտով Քնարիկ Լևոնի Սահակյանը վարչական պատասխանատվության է ենթարկվել Երևան քաղաքի Պարոնյան փողոցի թիվ 6/42 հասցեում գործող մթերային խանութի դիմաց՝ ոչ սահմանված վայրում առևտրային գործունեություն իրականացնելու համար (արձանագրությունը կազմվել է 18.05.2023 թվականին): Հիշյալ վարչական ակտը հասցեատիրոջ կողմից ստացվել է 15.07.2023 թվականին որպիսի օրվան հաջորդող օրը՝ 16.07.2023 թվականին վարչական ակտը մտել է ուժի

մեջ: Նման պայմաններում հաշվի առնելով այն հանգամանքը, որ թիվ ԲԱ-000146 արձանագրության կազմման ժամանակ՝ 15.06.2023 թվականին 20.06.2023 թվականին կայացած թիվ Վ-24/2 վարչական ակտը դեռևս ուժի մեջ մտած չի եղել, ուստի չի կարող քննարկվել Օրենսգրքի 162-րդ հոդվածի 2-րդ մասի կիրառելիության հարցը, սակայն հիշյալ դրսևորման ձևը հանդիսանում է վարչական մարմնի հորդորից հետո իրավախախտման շարունակում, ինչպես նաև մեկ տարվա ընթացքում կրկին անգամ նման իրավախախտում է կատարվել, ինչը հանդիսանում է վարչական իրավախախտման համար պատիժը ծանրացնող հանգամանքը:

3.5 Վարչական իրավախախտման հետևանքով գույքային վնաս պատճառված լինելը. իրավախախտման պահի դրությամբ իրավախախտման հետևանքով գույքային վնաս չի առաջացել:

3.6 գործի ճիշտ լուծման համար նշանակություն ունեցող այլ հանգամանքներ. Վարչական մարմնի գործը քննելու իրավասությունը հավաստվում է Օրենսգրքի 219.1-րդ հոդվածով, Երևանի քաղաքապետի 30.05.2022 թվականի թիվ 1986-Ա, 25.07.2022 թվականի թիվ 2703-Ա որոշումներով:

Վարչական իրավախախտման վերաբերյալ գործի արձանագրությունը և մյուս նյութերը կազմվել են ՀՀ գործող օրենսդրության պահպանմամբ: Արձանագրությունը կազմվել է Քնարիկ Լևոնի Սահակյանի ներկայությամբ վերջինս հրաժարվել է ստորագրել արձանագրությունը, ինչի մասին նշում է կատարվել արձանագրության մեջ: Գործի նյութերում ոչ վերաբերելի և ոչ թույլատրելի ապացույցներ առկա չեն:

Հարուցված վարչական վարույթի շրջանակներում գործի քննությունը նշանակվել է 20.07.2023 թվականին: Անհատ ձեռնարկատեր Քնարիկ Լևոնի Սահակյանը ծանուցված լինելով 20.07.2023 թվականին կայանալիք գործի քննության տեղի և ժամանակի մասին չի ներկայացնել գործքի քննությունը, ինչպես նաև չի ներկայացրել գործի քննությունը հետաձգելու վերաբերյալ միջնորդություն, ուստի Օրենսգրքի 267-րդ հոդվածի 1-ին մասի համաձայն գործը քննվեց վերջինիս բացակայությամբ (հիմք՝ «Հայփոստ» ընկերության հանձնման-ստացման թիվ ALO110223308AM անդորրագիրը, ըստ որ առաքանին հանձնվել է հասցեատիրոջը 15.07.2023 թվականին):

Գործի քննության ընթացքում Քնարիկ Լևոնի Սահակյանի կողմից որևէ միջնորդություն չի ներկայացվել վարչական մարմնին:

Վարչական իրավախախտումը կատարվել է 15.06.2023 թվականին, ինչի մասին է վկայում վարույթի նյութերում առկա՝ արձանագրությունը, բացատրագիրը, լուսնակարաները, տեսագրությունը, նույնականացման թերթիկը, ինչպես նաև առերևույթ առգրավված ապրանքի առկայությամբ, քանի եթե չլիներ իրավախախտման դեպք չէր կարող 15.06.2023 թվականին առգրավվել ոչ սահմանված վայրում իրացվող ապրանքը: Նման պայմաններում լրացած չէ Քնարիկ Լևոնի Սահակյանին վարչական պատասխանատվության ենթարկելու վաղեմությունը:

Վարույթի ժամկետի մասով, վարչական մարմնին արձանագրում է, որ վարչական վարույթի մյուս նյութ հանդիսացող «Հայփոստ» ընկերության հանձնման-ստացման թիվ ALO110223308AM անդորրագիրը գործի քննությունն իրականացնող իրավասու պաշտոնատար անձի կողմից ստացվել է 18.07.2023 թվականին (առաքանին հանձնվել է հասցեատիրոջը 15.07.2023 թվականին), որպիսի պահից միջև 20.07.2023 թվականը քիչ է 15 օրից:

4. Գործի քննությունն իրականացնող իրավասու պաշտոնատար անձի եզրահանգումը.

Գործի փաստական հանգամանքների և դրանում առկա բոլոր ապացույցների բազմակողմանի, լրիվ և օբյեկտիվ հետազոտման արդյունքում պարզվեց և հիմնավորվեց, որ

15.06.2023 թվականին անհատ ձեռնարկատեր Քնարիկ Լևոնի Սահակյանի կողմից Երևան քաղաքի Պարոնյան փողոցի թիվ 6/42 հասցեում գործող մթերային խանութի դիմաց՝ ոչ սահմանված տեղում իրականացվել է գյուղատնտեսական մթերքի առևտուր, որով վերջինիս կողմից թույլ է տրվել Օրենսգրքի 162-րդ հոդվածի 1-ին մասով նախատեսված վարչական իրավախախտում:

Հաշվի առնելով այն հանգամանքը, որ քննարկվող դեպքում առկա են վարչական իրավախախտման համար պատասխանատվությունը ծանրացնող հանգամանքներ, ուստի կիրառման ենթակա է նախատեսվող սանկցիայի առավելագույն սահմանաչափը, իսկ առգրավված ապրանքները ենթակա են բռնագրավման:

5. Վարչական ակտ ընդունելու իրավական հիմքերը.

Ելնելով վերոգրյալից և ղեկավարվելով «Վարչարարության հիմունքների և վարչական վարույթի մասին» օրենքի 2-րդ հոդվածով, 3-րդ հոդվածի 2-րդ մասով, Օրենսգրքի, 23-րդ հոդվածի 1-ին մասի 2-րդ կետով, 34-րդ հոդվածով, 162-րդ հոդվածի 1-ին մասով, 219.1-րդ, 252-րդ, 281-րդ և 282-րդ հոդվածներով, Երևանի քաղաքապետի 30.05.2022 թվականի թիվ 1986-Ա և 25.07.2022 թվականի թիվ 2703-Ա որոշումներով՝

ՈՐՈՇԵՑԻ

1. Քնարիկ Լևոնի Սահակյանին Օրենսգրքի 162-րդ հոդվածի 1-ին մասով ենթարկել վարչական պատասխանատվության՝ նշանակելով վարչական տույժ 100.000 ՀՀ դրամ գումարի չափով:

2. Քնարիկ Լևոնի Սահակյանից առգրավված՝ 1 արկղ տաքդեղը (պղպեղ)՝ 8 կգ, 2 արկղ ծիրանը՝ 20 կգ, 3 արկղ վարունգը 22 կգ և 1 արկղ կեռասը 5 կգ բռնագրավել:

2. Նախազգուշացնել Քնարիկ Լևոնի Սահակյանին, որ վարչական տույժ նշանակելու օրվանից հետո սույն արարքը կրկին կատարելու դեպքում այն կառաջացնի վարչական տուգանք՝ 200.000 ՀՀ դրամ գումարի չափով, ինչպես նաև վարչական իրավախախտում կատարելու գործի կամ անմիջական օբյեկտ հանդիսացող առարկայի բռնագրավում:

3. Օրենսգրքի 305-րդ հոդվածի համաձայն տուգանքը պետք է վճարվի սույն որոշումն իրավախախտում կատարած անձի կողմից ստանալուց ոչ ուշ, քան տասնհինգ օրվա ընթացքում՝ կենտրոնական գանձապետարանի N 900015213110 հաշվեհամարին:

4. Սույն որոշումը կարող է բողոքարկվել վարչական կարգով՝ որոշումն ուժի մեջ մտնելուց հետո երեսուն օրվա ընթացքում, իսկ դատական կարգով՝ երկամսյա ժամկետում:

**ԻՐԱՎԱԲԱՆԱԿԱՆ ՎԱՐՉՈՒԹՅԱՆ
ՎԱՐՉԱԿԱՆ ԻՐԱՎԱԽԱՆՏՈՒՄՆԵՐԻ
ՎԵՐԱԲԵՐՅԱԼ ԳՈՐԾԵՐԻ
ՔՆՆՈՒԹՅԱՆ ԲԱԺՆԻ ՊԵՏ՝**



ՉԱՎԵՆ ՍՄԲԱՏՅԱՆ